

आकाशवाणी

खबरां -----

- 1- राश्ट्रीय जांच एजेंसी एनआईए नै सितंबर 2024 च चंडीगढ़ बम्ब हमले दे मामले च आतंकवादी संगठन बब्बर खालसा इंटरनेशनल दे 4 आतंकवादिएं गी आरोपी बनाया ऐ।
- 2- छत्तीसगढ़ दे बीजपुर जिले च 22 नक्सलियों आत्म समर्पण कीता।
- 3- जम्मू-कश्मीर दे डोडा जिले दे जंगली इलाकें च सुरक्षाबलें आतंकवादिएं दी छप्पने आहली थाहर दा पता लाइयै उसी नष्ट कीता। उत्थुआं पिस्तौल ते होर दुआ असलाह बरूद बरामद कीता।
- 4- विदेश मंत्री डॉ. एस जयशंकर होरें आखेआ जे औने आहले दहाकें आस्तै उर्जा सुरक्षा यकीनी करना भारत दी कूटनीति दा मुख्क मकसद ऐ।
- 5- राश्ट्रीय स्वयंसेवक संघ नै इस बरे अपनी स्थापना दे 100 बरे पूरे होने दे मौके पर केई आउटरीच कार्यक्रम दी योजना बनाई पर कोई औपचारिक समारोह होगा।

<><><><><><>

NIA

राश्ट्रीय जांच एजेंसी नै सितंबर 2024 च चंडीगढ़ बम्ब हमले दे मामले च आतंकवादी संगठन बब्बर खालसा इंटरनेशनल दे 4 आतंकवादिएं गी आरोपी करार बनाया ऐ। अधिकारिक जानकारी मूजब आरोपियें च पाकिस्तान स्थित आतंकवादी हरविंदर सिंह संधू उर्फ रिंदा ते अमरीका स्थित आतंकवादी हरप्रीत सिंह उर्फ हैप्पी पसी बी शामिल ऐ। एह आरोप पत्र चंडीगढ़ दी एनआईए दी विशेष अदालत च पेश कीता गेआ। सारे 4 आरोपियें पर गैर कनूनी गतिविधिओं दी रोकथाम सरबन्धी कनून यू.ए.पी.ए., विस्फोटक पदार्थ अधिनियम ते हमले च सहयोग करने ते साजिश रचने दी भूमिका कन्नै सरबन्धी बक्ख-बक्ख आरोप लाए गेन। एनआई नै बयानै च आखेआ ऐ जे 2 आतंकवादी रिंदा ते

हैप्पी पस्सी इस हमले दे मुख्ब साजिशकर्ता न। बयानै मूजब उनें आतंकवादिएं गी भारत च साजो समान, माली, हथियार ते गोला बारूद उपलब्ध कराए इन्दा इस्तेमाल चंडीगढ़ बम्ब हमले च कीता गेआ।

<><><><><><>

Chhatisgarh Maoists

छत्तीसगढ़ दे बीजापुर जिले च अज्ज 22 नक्सलियेन पुलिस दे सामने आत्मसमर्पण करी दिता। इनदे च दो महिला नक्सली न। इने नक्सलियेन पर 11 लक्ष रूपे दा पुरस्कार घोषित कीता गेया ह। राज्य सरकार दी नीति तैहत जिने नक्सलियेन आत्मसमर्पण कीता ऐ, उनें गी 25-25 हजार रूपे दी प्रोत्साहन राशि दिति गेई ऐ।

<><><><><><>

Delhi-Session

दिल्ली विधानसभा दा बजट इजलास कल्लै थमां रम्भ होआ करदा ऐ। एह इजलास 28 मार्च तगगर चलोग जिसी अगै बी बदाया जाई सकदा ऐ। दिल्ली ट्रांसपोर्ट कांफेरिशन दे कम्मकाज पर सी.ए.जी दी रिपोर्ट कल संगारें सदन च पेश कीती जाग। बजट मंगलवार गी पेश कीता जाग ते 26 मार्च गी औदे पर चर्चा होग इजलास दौरान मुख्ब माली ते नीतिगत मामलें पर चर्चा कीती जाग।

<><><><><><>

NTA-CUET

राश्ट्री सतह पर मतेयान लेने आली अजेंसी एनटीए नै सीयूईटी लेई पंजीकरण लेई खीरी तरीक बधाई दिती ऐ। हुन ऑनलाइन दरखास्तां कुल संगारै 24 मार्च तगर जमा कराइयां जाई सकदियां न। परीक्षा शुल्क जमा करोआने दी खीरी तरीक बी 23 मार्च थमां बधाइयै 25 मार्च रातीं 11 बज्जियै 50 मिंटे

तगर करी दिक्ती गेई ऐ। अजेंसी समूलचे देसै दे बक्ख-बक्ख शैह ते देश दे बाह बी 15एं शैहें च कम्प्यूटर आधार मतेयान 8 मई ते पैहली जून बश्कार आयोजित करा करदा ऐ।

<><><><><><>

Gold Soda

कृषि ते प्रसंस्कृत खाद्य आहली चीजें दे निर्यात सरबंधी विकास प्राधिकरण-एपीडा ने आखेआ ऐ जे पारंपरिक भारतीय गोली सोडा यानि बांटे आहला सोडे दा गोली पाप सोडा दे नां कन्नै वैश्विक पुर्नत्थान कीता जाग। इस्सै गोली पॉप सोडा दे नमें ब्रांड नां कन्नै बजार च उतारेआ गेआ ऐ। उद्योग मंत्रालय नै इक्क बयान च आखेआ ऐ जे इस लोकप्रिय पेय नै अंतरराष्ट्रीय बाजार च शानदार वापसी कीती ऐ। इन्नै अमेरिका, ब्रिटेन, यूरोप ते खाड़ी देशें दे बजारें च अच्छी पैठ बनाई लैती ऐ।

<><><><><><>

Fit India

युवा मामले ते खेड मंत्री डॉक्टर मनसुख मांडविया होरें रोजमर्रा दे जीवन च नियमित व्यायाम ते साइकिल चलाने पर जोर दिता ऐ। उने लखनऊ सोयां फिट इंडिया संडेज ऑन साइकिल अभियान दी शुरूआत कीती। श्री मांडविया होरें आखेआ जे साइकिल चलाने कन्नै शरीर फिट रौहन्दा ऐ चे पर्यावरण दा संरक्षण भी हुन्दा ऐ। साईकल प्रदूषन दा हल बी ऐ। साईकल फिट रौहने दा मंत्र ऐ। साइकिलिंग कन्नै मेंटली ते फिजिकली फिटनेस बी बददी ऐ। साइकिलिंग कन्नै ईंधन दी बचत हुन्दी ऐ। उनें मुल्खै दे नागरिकें थवा आह्वान कीता जे हर एतवारें इक घंटे आस्तै साइकिल चलान ते अपने आपा गी फिट रक्खन।

<><><><><><>

PM-Podcast

प्रधानमंत्री नरेंद्र मोदी हुंदी ए.आई शोधकर्ता लेक्स फिडमैन हुंदे कन्नै होई दी हाल दी गल्लबात पॉडकास्ट दे रूपै च हुन नेकां भाषाएं च उपलब्ध ऐ। श्री मोदी होरें सोशल मीडिया पोस्ट च आखेआ जे एहदा मकसद गल्लबात गी मते शा मते श्रोताएं तगर पजाना ऐ।

<><><><><><>

Martyrs Day

समूलचा मुल्ख अज्ज भारत दी अजादी दी लड़ाई दे त्रै म्हान क्रांतिकारिणें, शहीद-ए-आजम भगत सिंह, शिवराम राजगुरु ते सुखदेव होरें'गी उं'दे शहीदी ध्याड़े पर श्रद्धांजलि अर्पित करा'रदा ऐ। भारत माता दे इ'नें त्रौनें वीर सपूतें गी 1931 च अज्जै दे रोज ल्हौर दी मरकजी जेल च फांसी देई दिक्ती गई ही। इ'नें महान सुतंत्रता सैनानिणें गी 17 दिसम्बर 1928 गी ल्हौर च अंग्रेज पुलस अफसर जे.पी.सॉन्डर्स दी हत्या दे आरोप च मौत दी सजा सनाई गई ही।

<><><><><><>

PM-Martyrs Day

प्रधानमंत्री नरेन्द्र मोदी होरें भारत दे महान सुतंत्रता सैनानिणें भगत सिंह, सुखदेव ते राजगुरु होरें गी अज्ज उंदे शहीदी ध्याड़े पर श्रद्धांजलि अर्पित कीती ऐ। सोशल मीडियो दी इक पोस्ट राएं इक वीडियो सांझा करदे होई श्री मोदी होरें इनें महान क्रांतिकारिणें आस्सेआ दित्ते गेदे सर्वोच्च बलिदान गी चेता कीता। भारत दी आजादी ते न्याहू लेई उन्दे जज्बे गी चेता करदे होई प्रधानमंत्री होरें आखेआ ऐ जे शहीद-ए-आजम भगत सिंह, राजगुरु ते सुखदेव हुंदे बलिदान असें सब्बने गी म्हेशां पेरित करदे रौंहगन।

<><><><><><>

Doda-Hideout Busted

डोडा जिले दे दूर-दरेडे जांगली इलाके च बलें आतंकवादियें दी इक छप्पने आहली थाहर दा पता लाइयै इक्क पस्तौल ते किश गोला-बरूद बरामद कीता ऐ। आकाशवाणी दे जम्मू संवाददाता नै दस्सेआ जे डोडा जिला च भद्रवाह दे भालरा जांगली इलाकें च मकामी पुलिस ते सेना दे अभिजानें सरबंधी टकोहदे ग्रुप एस.ओ.जी आसेआ सांझे तपाशी अभियान दौरान इस ठकाने दा पता लग्गा। ठिकाने थमां इक्क पस्तौल, औदियां 3 मैगजीनां ते रौंदें सनें ए.के असाल्ट रफल दे 25 रौंद बरामद कीते गे। शुभे आहली नक्लो हरकत दी रिपोर्ट परैंत इक्क टकोहदी सूह दी बिनाह पर चलाए गेदे अभिजान दौरान कुसै गी अजें हिरासतै च नेई लैता गेआ ऐ। तोआई, अधिकारियें दस्सेआ जे पुलिस, सेना ते सी.आर.पी.एफ आसेआ कन्नै लगदे किशतवाड़ जिले दे गुरीनाल, ठाठरी ते छात्रु जंगल च बी सांझा तपाशी अभियान चलाया जा करदा ऐ। किश मकामी लोकें आसेआ वीरवारें उप्परले इलाकें च आतंकियें दी मौजूदगी बारै सूचना सांझा करने परैंत एहू अभियान रम्भ कीता गेआ हा। इस सरबंधै च होर जानकारी गी बलगेआ जा करदा ऐ।

<><><><><><>

Jammu-Hindon Flight

गाजियाबाद दे हिंडन एयरपोर्ट थमां जम्मू लेई ब्हाई सेवा अज्जै थमां रम्भ होई गेई ऐ। हिंडन ब्हाई अड्डे थमां जम्मू लेई पहली डोआरी बडुलै साड्डे 9 बजे खाना होई। आकाशवाणी दे जम्मू संवाददाता नै खबर दिती ऐ जे एनसीआर थमां माता वैष्णो देवी मंदर जाना हुन मता सखल्ला होई गेआ ऐ कीजे हुन यात्रुएं गी जम्मू जाने ताई दिल्ली एयरपोर्ट जाने दी कोई लोड नेई होग। सगुआं उन्दे कश एनसीआर थमां ब्हाई जातरा दा इक होर विकल्प उपलब्ध होग। जम्मू थमां हिंडन लेई डोआरी दपैहरी 1 बजे होग जेड़ी डेढ घंटे परैंत ढाई बजे हिंडन पुज्जी जाग। यात्रुएं दी सहूलत ते किफायती कराएं भाड़ें च ए.आई.आर इंडिया एक्सप्रेस गाजियाबाद दे हिंडन ते जम्मू बश्कार हफ्ते च 6 ध्याडे शनिवारै गी छोड़ियै डोआरियां संचालित करोग।

<><><><><><>

Udh. All

उधमपुर जिले गी ब्हाई संपर्क दी तजवीज दे मद्देनजर भातरीय एयरपोर्ट अथारिटी नै इक्क कमेटी खडेरी ऐ जेड़ी जमीनी हालात दी समीक्षा करोग। आकाशवाणी दे जम्मू संवाददाता नै दस्सेआ ऐ जे ए.ए.आई नै जहाजें दे खेत्तर ते ब्हाई सेना दे माहिरें दे कन्त्रोकन्त्री पेशेवर पायलटें दी इक कमेटी दा बी गठन कीता ऐ जेड़ी अगले हफ्ते दे खीरै तगर उधमपुर दा दौरा लाग। एहू कमेटी प्रधानमंत्री हुंदे दफ्तरै च केंद्री राज्यमंत्री डॉ. जितेंद्र सिंह हुंदे प्रस्ताव दी अमलावरी पर बचार विमर्श करोग। श्री सिंह होरें हिंडन जम्मू डोआरी गी उधमपुर तगर बदाने पर विचार करने गितै आखेआ ऐ जेदा मकसद यात्रुएं गी सहूलतां पजाना ऐ। ध्यानजोग ऐ जे डॉ. सिंह होरेंगी लोकें पासेआ उधमपुर गी जम्मू रस्तेया दिल्ली कन्नै जोड़ने दियां अपीलां हासल होइयां हियां।

<><><><><><>

Speaker House Committee

जम्मू-कश्मीर विधानसभा दे स्पीकर अब्दुल रहीम राथर होरें प्रदेश च जल जीवन मिशन दी अमलावरी च कथित तौर पर अनियमितताएं दा पता लाने लेई हाउस कमेटी खडेरने दा ऐलान कीता ऐ। स्पीकर होरें आखेआ जे बजट इजलास शुरू हुंदे सार गै केई सारे विधायक हाउस कमेटी खडेरने दी मंग करा'रदे हे। उ'नें आखेआ जे सदन सब्बनें थमां उप्पर ऐ ते जल जीवन मिशन दी कथित बेज़ाब्तगिएं दा पता लाने लेई हाउस कमेटी खडेरने दी गल्ल मन्त्री लैती गेई ऐ।

<><><><><><>

LG Filmahotsav

लेफ्टिनेंट गवर्नर मनोज सिन्हा होरें अज्ज अभिनव थैटर जम्मू च जम्मू कश्मीर सिने एसोसिएशन आसेआ आयोजित तवी फिल्म महोत्सव दा उद्घाटन कीता। उ'नें आखेआ जे मनोरंजन ते समाजी जिम्मेदारिएं दे बश्कार संतुलन, मजूदा समें दी सब्बनें शा बड्डी मंग ऐ। एलजी होरें फिल्म निर्माताएं

गी आखेआ जे ओहू इस गल्लै दा खास ख्याल रक्खन ते उं'दे आसेआ तैयार समग्री दा मकसद, लोकें गी जागरूक बनाना ते उनें'गी अपनी जिम्मेदारिएं कन्नै वाकफ करोआना होना लोडचदा ऐ। आकाशवाणी दे जम्मू संवाददाता दी रिपोर्ट मूजब एहदा मकसद फिल्म निर्माताएं, कलाकारें ते रचनात्मकता कन्नै जुड़े दे पेशेवरें गी अपना हुनर दस्सने लेई इक मंच उपलब्ध करोआना ऐ। उद्घाटनी समारोह च केई मन्ने परमन्ने दे लोक हिस्सा।

<><><><><><>

Cong Statehood Movement

जम्मू-कश्मीर प्रदेश कांग्रेस कमेटी, जम्मू-कश्मीर दा राज्य दा दर्जा बहाल करने दी मंग गी लेइयै जम्मू शैह्रा च 6एं दिनें दा इक अभियान चलाग। औंदी 24 अप्रैल शा लेइयै 29 अप्रैल तोहड़ी चलाए जाने आहले इस अभियान दे तैहत मरहलेवार ढंगै'नै बक्ख-बक्ख इलाकें थमां संझां'लै मार्च कडु जाडन। आकाशवाणी दे जम्मू संवाददाता दी रिपोर्ट मूजब, प्रदेश कांग्रेस कमेटी दे प्रधान तारिक हमीद कर्ग होरें आखेआ ऐ जे उं'दा एहू अभियान 'हमारी रिआसत-हमारा हक' दा नारा बुलंद करने दे कन्नो-कन्नो जय बापू, जय भीम, जय संविधान दे अभियान गी बी बल देग। कर्ग होरें आखेआ ऐ जे जम्मू-कश्मीर दा रिआसत दा दर्जा बहाल करने गी लेइयै कांग्रेस पार्टी अपना संघर्ष बरोबर जारी रक्खोग कीजे एहू जम्मू-कश्मीर दे हर इक बसनीक दी मंग ते अधिकार बी ऐ।

<><><><><><>

EAM-Diplomacy

विदेश मंत्री एस. जयशंकर होरें आखेआ ऐ जे भारत दुनिया दी 5मीं सब्भनें थमां बड्डी अर्थ बवस्था आहला मुल्ख ऐ ते एहदे कन्नै उर्जा दे खेत्तर च व्यापक सरबन्ध गी विकसित करना होग। कार्यक्रम च उनें आखेआ जे वैश्विकरण च तमाम फायदें दी गल्ला सुनने मगरा दुनिया भरै च औद्योगिक नीतिएं दी

सच्चाई निर्यात पर नियंत्रण ते शुल्क गी लेइयै मुकाबलेबाजी दी स्थिति सब्भनें दे ससामने ऐ। डॉक्टर जयशंकर होरें आखेआ जे औने आहले दहाकें च उर्जा सुरक्षा यकीनी करना भारत दी कूटनीति दा इक प्रमुख मकसद ऐ। उनें आखेआ जे ऐसी परिस्थिति च लाहकारी स्थिति गी पंछानना ते उसी अपनाना जरूरी ऐ। उनें आखेआ जे ऐसी परिस्थिति च लाहकारी स्थिति गी पंछानना ते उसी अपनाना जरूरी ऐ।

<><><><><><>

RSS-100 Years

राष्ट्रीय स्वयंसेवक संघ नै इस बरे अपनी स्थापना दे 100 बरे पूरे होने दे मौके पर कई आउटरीच कार्यक्रमें दी योजना बनाई ऐ। संघ दे महासचिव दत्तात्रेय होसबोले होरें अज्ज बेंगलुरु च संघ दी अखिल भारती प्रतिनिधि सभा दी त्रै ध्याड़ें दी बैठक दे बाद आखेआ जे इस मौके पर कोई औपचारिक समारोह नैई होग पर इस बरे विजयादशमी पर कई आउटरीच कार्यक्रम शुरू कीते जांगन। श्री होसबोले होरें आखेआ जे इनें कार्यक्रमें जरिए सामाजिक भागीदारी गी प्रोत्साहित कीता जाग। उनें दस्सेआ जे सामाजिक सद्भाव ते राष्ट्रीय एकता गी बढ़ावा देने आस्तै मंडल ते बस्ती स्तर पर जन संपर्क कार्यक्रम चलाए जांगन। औरंगजेब विवाद दे सरबंध च श्री होसबोले होरें आखेआ जे औरंगजेब भारतीय लोकाचार ते सांस्कृतिक मूल्यें दा प्रतिनिधित्व नैई करदा। इक्क होर सवाला दा परता दिंदे होई उनें आखेआ जे धर्म आधारित आरक्षण संवैधानिक नैई ऐ ते कई न्यायालय इसी खारिज करी चुके देन। श्री होसबोले होरें स्वतंत्रता सेनानी भगत सिंह सुखदेव ते राजगुरु होरें गी उन्दे शहीदी ध्याड़े दे कन्नै-कन्नै पुर्तगालियें दे खलाफ लड़ने आहली उल्लाल दी रानी अब्बक्का गी श्रद्धांजलि दिती।

<><><><><><>

SC

सर्वोच्च न्यायालय नै दिल्ली उच्च न्यायालय दे न्यायाधीश यशवंत वर्मा होरें आवास पर खरी मती गिनतरी च नकदी मिलने दी आंतरिक जांच रिपोर्ट कल राती जारी करी दिती। दिल्ली उच्च न्यायालय दे मुख्ख न्यायाधीश डी.के. उपाध्याय दी जांच रिपोर्ट च आखेआ गेआ ऐ जे नोटें दे चार सोयां 5

अधजले ढेर लब्धे ना रिपोर्ट च 14 मार्च गी होली दी रात न्यायमूर्ति वर्मा हुन्दे आवास पर अगग स्थानें दी वीडियो ते चित्र शामिल हे। जांच रिपोर्ट दे आधार पर देश दे मुख्य न्यायाधीश न्यायमूर्ति संजीव खन्ना होरें न्यायमूर्ति वर्मा हुन्दे खिलाफ आरोपें दी जांच आस्तै 3 सदस्यीय आंतरिक जांच समिति दा गठन कीता ऐ। न्यायमूर्ति संजीव खन्ना होरें दिल्ली उच्च न्यायालय दे मुख् न्यायाधीश दी न्यायमूर्ति वर्मा गी कोई न्यायिक कम्म नेई सौंपने दा भी निर्देश दिता ऐ। न्यायमूर्ति वर्मा होरें अपने जवाब च आक्खेआ ऐ जे उनदे आवास पर नकदी मिलने दे आरोप, उनें गी फंसाने ते बदनाम करने दी साजिश ना।

<><><><><><><><>

Para Games Sheetal Gold

17एं बरें दी बरेसू आहली पैरालंपियन शीतल देवी नै अज्ज नमीं दिल्ली दे जवाहर लाल नेहरू स्टेडियम च खेलो इंडिया पैरा गेम्स 2025 च महिला कंपाउंड मकाबले च सुन्ने दा तगमा जित्तेआ हा। 2024 पैरिस पैरालंपिक च कैंऽ दा तगमा ते पैहले खेलो इंडिया पैरा गेम्स च सुन्ने दा तगमा जित्तेने आहली शीतल नै फाइनल च 137 अंक हासल करियै पहली थाहर अपने नां कीती। पैरा तीरंदाज शीतल नै ओडिशा दे बोलनगीर दी पायल नाग गी हराइयै सुन्ने दा तगमा जित्तेआ। शीतल नै महिला कंपाउंड फाइनल च 129 अंक हासिल कीते। सेमीफाइनल च शीतल नै 140 अंक जिल्ले के पायल नै 139 अंक हासल कीते।

<><><><><><><><>

Khelo India Para

खेलो इंडिया पैरा गेम्स 2025 दे त्रीए रोज कल नमीं दिल्ली दे जवाहर लाल नेहरू स्टेडियम च कई दिलचस्प मकाबले दिक्खने गी लब्बे। पैरालंपिक बैडमिंटन खडारिएं शानदार प्रदर्शन कीता जेदे च नितीश कुमार, कृष्णा नागर, मनीषा रामदास ते संजीव कुमार नै अपनी-अपनी श्रेणी च सुन्ने दे तगमे

हासल कीते। केरल दी 21एं बरें दी अल्फिया जेम्स नै व्हील चेयर पर खेडदे होई ते उत्तराखंड दी मंदीप कौर नै बी तजुर्बेकार खडारिएं गी हराइयै सुन्ने दे तगमे अपने नां कीते।

<><><><><><>